

序  
嘗聞古人有言馬大師位下出八十四員善知識真  
得法隨者不過數人其餘盡是唱導之師余頗疑之  
以為馬祖弟子皆大冶精金安有彼此况擔荷大法  
豈是易事能以所得唱導後學則佛祖慧命可續更  
何他求既乃始省黃梅五祖已有北宗一支雖毫釐  
之差且至千里故曰智過於師方堪傳授印空印水  
印泥則不同矣所以天童中興臨濟惟雙桂破山和  
尚洵今日之百丈歸宗也其人處斬絕不涉塵纖又  
得密老人與之扣擊似黃檗之於淳沱全提正令不

放一鍼出路宜其開法嘉興東塔後旋遊蜀鄉坐道  
場一十有四凡三十七季中乘吹毛慧劍倒用橫拈  
咳唾掉臂無非向上提持如塗毒鼓聞者活其氣息  
無不喪身失命即王公勢要亦皆瓶首屈服化導所  
至寧復知解所能測識哉今語錄具在將使天下後  
世觸者疏著悉與斷卻命根豈止一時昔歲丁酉昭  
覺醉師至禾曾刻本師語錄十二卷行世時和尚固  
無恙也又十載而聞寂則初刻為未全茲玉泉正師  
哀集全彙付梓入藏問敘於博思和尚昔季住福城  
時余年猶少聞衲子羣言和尚說法迴出尋常而余

竟以塵緣所繫不及一領法海以至老而無聞寧堪  
作弁首之序但吾里東塔為和尚開法第一道場古  
新清白師當日親炙左右每向余稱述一言半句不  
覺想梅生液余雖愚鈍實淡信之兩師不遠數千里  
與古新協力了本師公案區區縱不能道其萬一烏  
可以不言正如掉林打月何所不可  
康熙庚申佛生日橋李約庵道人施博拜撰



破

破山大師道化之盛平生所開法會凡十有四處其  
最先在吾禾之福城於時師年甫三十方得法於金  
粟即受斯請予嘗同友人周于貞可數往參謁魏初  
學無所契但見有知解之宗徒心性之禪說竊疑其  
非以落紳之談相質師每笑而然之此事迄今遠矣  
尚能記憶之也自師之入蜀隨阻寇亂彼此不相聞  
久及乎陽平通道門人文雪攜師語錄來禾中授梓  
予當分守川北文雪以所刻成書付其徒竹石偕予  
行予抵川而師在金城仍見阻懷三十餘季之別有

破山和尚金錄

重歎焉予嘗聞蜀人言師折伏呂督師大器不啻宋  
悅公之於無盡十三家之賊殺師不得反信奉師為  
之止殺將頭臨刃七難不渝有古德之風而兇威自  
戢其道力似尤過之也師念不忘吾禾常有東行之  
約因三峽未開望夔州而返以後譚姚二家俱效順  
吾友沈子子相令新寧適隣其地得數禮親師師語  
及禾中道侶每為倦倦不數季而師竟示寂本由是  
予繼見之望絕矣予前在保寧屢晤其門人離指云  
丈雪刻行之書芟逸頗多師意猶見少今師歿十餘  
載門人蓮月從荆門來禾復彙刻全錄共二十卷實

承師之志蓮月請予言為弁予與師多舊緣不敢辭  
且今宗門敞境聰明者溢于文詞樸實者流于義學  
篇謂非師之大用大機不足以振起二十卷之刻良  
不厭多不然則諸方之著述已日夥矣此又何求益  
也  
康熙十九季四月望後五日橋李王庭拜題



破山禪師語錄目錄

- 序文二
- 第一卷 上堂一
- 第二卷 上堂二
- 第三卷 上堂三
- 第四卷 上堂四

破山禪師語錄目錄

- 第五卷 上堂五
- 第六卷 小參一
- 第七卷 小參二
- 第八卷 機緣
- 第九卷 法語一

法語二

- 第十卷 法語三
- 第十一卷 法語四
- 第十二卷 書問
- 第十三卷 拈古
- 頌古

破山禪師語錄目錄

聯芳偈

第十四卷

七言四句

示偈

第十五卷

七言四句

示偈二

第十六卷

七言四句

示偈三

第十七卷

七言四句

佛祖讚

自讚

第十八卷

雜偈

七言八句

雜偈

第十九卷

五言八句

坐禪箴

十二時歌

牧牛圖頌

題小像

題行樂圖

萬峰景

第二十卷

序

疏

銘

佛事

行狀

年譜

塔銘

破山禪師語錄目錄

破山禪師語錄卷第一

當陽玉泉嗣法門人印正等編

上堂一

住嘉興府東塔橋福禪寺師在茗谿福山受請崇禎  
二年八月一日入院至佛殿以坐具拂一拂云八并  
打開當陽拋出坐斷報化佛頭底人正好不向佛求  
不向法求不向僧求常禮如是便拜  
師蓋堂云前三三後三三俱在者裏弘護今日被山  
僧一瓣香觸碎鼻孔莫怪山僧粗糙  
祖堂云一竿開五葉至今狼籍不少更更起模倣樣

作麼咄

家請陞座拈香云此瓣香契盡國王水土養成一肚  
柔氣放之則彌六合卷之退藏於密薰向爐中恭為  
今上皇帝祝嚴聖壽萬歲萬歲萬歲次拈香云此  
瓣香奉為閻朝文武天下官僚本山請主護法居士  
惟冀同明般若共證菩提又拈香云此瓣香斧斫不  
開刀劈不破雨灑風吹遂成乾屎橛此是第一回拈  
出似養兒住金粟山廣慧禪寺傳曹谿正脈第三十  
四世密雲和尚用淵法乳之恩就座維那白槌云法  
筵龍象眾當觀第一義師云香已拈了更更山僧說

箇什麼時

和石孫居士稽首請垂語師云山僧素志  
本欲淡棲巖竈隱過時不意撞夥鐵面皮居士善  
具辣手慣會拏雲將山僧拽入者保社開張臭口說  
幾句燥脾胃話以光法門山僧自揣愚劣不會打葛  
藤只好舉則古人住院因緣以寒來命昔日圓通禪  
師入院云圓通不開生藥舖單單只賣死貓頭不知  
那箇無思算喫著通身冷汗流者老漢住院還有箇  
死貓頭賣弄腥膻遂引蒼蠅成羣作隊山僧今日到  
院也無死貓頭賣亦無生藥舖開以兩手作拳覘勢  
云單單只有者箇大眾且道者箇是什麼眾無計師

高聲云曹山好顛酒復云破山喫著曹山酒醉得通

身俱是口瞎禿兒罵上天又來拈棒打顛狗山僧  
恁麼告報非是壓良為賤抑且法爾如然未審眾中  
還有傷不甘底衲僧麼出來相見如無更與諸人重  
下註腳去也暮拈拄杖卓一卓云還知麼則途中  
受用不知則世諦流布嗎一喝復白槌云諦觀法王  
法法王法如是下座  
開爐上堂鞭鞞嚴居士問大悲千隻手那隻是正手  
師云四稜著地進云大悲千隻眼那隻是正眼師云  
八面玲瓏進云手眼不勞重舉似單傳意旨是如何

師震威喝

一喝進云雙手劈開生坎路一眼覷破是非  
非關師便打進云瞎師云瞎瞎土禮拜師乃云新開  
爐神鍊錘正打傷駝下下隨本是幾團零落鐵一  
回入火一回奇大眾還有一回奇底也未一僧出眾  
喝一喝師云好喝僧無語師云此奇未足盡善看木  
上座為汝諸人弄奇去也以拄杖擲地鼓掌呵呵云  
也大奇也大奇  
孫弘祥弘福為薦祖簡尚書請陞座師云念符  
觀無量劫非去非來亦非住知是了知三世事超諸  
方便成十力以拄杖卓一卓喝一喝云也甚奇怪山

僧逸才

舉首上場詩引得簡肅孫公跳在山僧拄杖  
頭上現大人相出廣長舌道山僧眼準不少被山僧  
一喝依狀向山僧拄杖頭邊跌跌去山僧所見如  
是未審諸人同見也無若也同見便見三世諸佛歷  
代祖師并及人人生身父母歷劫宗親全體如是來  
全體如是本全體如是住其或未然更聽山僧與尚  
書題額本也以拄杖劃一劃云昔日君王為柱石今  
朝佛法作金湯  
上堂師云天得一以清地得一以宰君王得一天下  
太平衲僧得一海象雲臻雖然總之一爭奈細素

分明舉其細也兵勇印轉舉其素也將逐符行直鏡  
不繼不素未是觀亦投鍼大眾正恁麼時如何是鍼  
芥相投句龍得水時添意氣虎逢山勢長威憐

上堂師云今朝正值臘月八釋迦原是小悉達經行  
忽地面仰天撞著明星刺眼瞎阿哪阿哪相救相救  
卓拄杖云幸爾還有者箇在不然終是扶離傷壁漢  
金粟專使送法衣至上堂師云大庾嶺頭提不起鈞  
足山前成滯貨山僧今日獲一披如雲普撒王座  
大眾記取三十年後切不可動者何也動者則觸生  
望日上堂師云天上月正圓人間道月半撞者開羅

王便把飯錢算咄休打算且待山僧細細與你從頭  
判天上月正圓陝府鐵牛頭角損人 月半嘉州  
大象皮毛換撞著開羅王 大蟲被犬傷便把飯錢算  
兩箇五百是一貫不管三七廿一五十一十挨排算  
到臘月三十日祇算得一半設或完全直待驢年喝  
一喝卓拄杖下座

歲旦上堂僧問新年百草頭早已露公案舊時底春  
風華放滿因香如何是不涉新舊句師登拂云是新  
是舊進云密密無蹤跡相逢帶喜顏師云閉言語僧  
禮拜師乃云爆竹一聲春天兩字艸木昆蟲全彰意

氣榜眼拖不價之金梅梢吐不暇之玉龍見鳳子齊  
歌舜德堯仁癩狗泥猪同和祖風佛日導尋情而越  
灰超生普萬有而豐衣足食大眾正當恁麼時還有  
不威而嚴無為而化者麼良久云東風吹出林間去  
引得遊蜂撲舊新

元有上堂師云今朝正月十五處處敲鑼播鼓將謂  
移苦為樂誰知翻樂為苦一念此界他方卻彼風隔  
雨阻放出鐵鶴流星打殺街頭石虎引得彌勒呵呵  
笑到日輪當午大眾且道他笑箇什麼心生大懽喜  
白知作佛祖

解制上堂師云東風解凍百艸萌芽行脚衲僧似粟  
如麻拖泥帶水分艸糝糝似虎涸俗和光今拄杖活  
如龍向有佛處不可住無佛處急走過方欄英俊衲  
家切不可向萬里無寸艸處去虛度生涯大眾且如  
今日臨行慶賞一句作麼生道摘楊華摘楊華

浴佛上堂師云山僧偶患腹瀉撒尿不成屎擬將此  
塗汚諸人諸人鼻孔未徹徹不徹一條白棒當頭橫  
雖然如是怎奈事無一向今遇釋迦老子誕辰不無  
也要應箇時節大眾且道應時應節一句作麼生道  
時破浪在眾鼓掌作聲師拈起拄杖云還要第二杓

惡水麼卓一卓下座  
丘檀越送銅鍋至上堂師云存會丘方伯不識好惡  
布施一口大鍋要山僧煮鐵釘飯炊本檀美供養盡  
大地人箇箇敲嚙山僧今日開此無進大會豈有私  
瞞普欲是天是人是僧是俗受此食者盡教同福同  
壽同證同得功超五果行越三賢未如是者且向益  
底筋頭路開兩眼切莫瞋睡將木梳美鐵釘飯細細  
敲嚙看是什麼滋味參

全居士生日請上堂師云時當毒熱渾如火逼得通  
身白汗流只為諸人不肯應山僧特地一場愁咄咄  
箇什麼莫是衣不足身食不足口麼若是衣不足身  
不蓋而衣者有也食不足口不耕而食者有也但世  
間名利富貴榮辱種種亦復如何足致愁單單只  
愁生灰交謝寒暑迭遷有物流動捨灰趣生捨生趣  
灰如旋火輪無有休息所以愁耳今日幸我金居士  
誕期營濟供眾強山僧舉揚箇事居士本意惟求  
壽命比南山福德如東海不若將此馳求之心用在  
生灰際頭求得生灰二字脫然無累方知壽命福德  
盡未來際不曾增盡未來際不曾減盡未來際不曾  
生盡未來際不曾減淨裸躰絕承當赤灑灑無回互

葛拈拄杖卓一卓云還委恁麼體取本來堅密身永  
證金剛無量壽  
上堂師云昨日盆傾大雨今朝日麗天帶累人衣  
乍乾午溼哄得艸糝增價增錢忽地乾坤一色宇宙  
同源為復是佛祖誕生為復是神德脫陰問取拄杖  
子拄杖子道是我敬雲施居士八十老母高陞壽域  
所以有如是無量無邊不可說不可說華藏莊嚴海  
一一流出無量無邊不可說不可說福德智慧門一  
一合容無量無邊不可說不可說壽命聚一一聚中  
或現大身或現小身或現男形或現女形凡有所為

悉皆現之山僧聞已入是三昧洞見十方無障無礙  
葛拈拄杖卓一卓召大眾云還見麼窺海屋添籌  
處悟取中間不老人

渡深嚴居士送大悲菩薩進院請上堂嚴問千僧拱  
待恁海波騰風恬浪靜即不問如何是與波作浪事  
師展威一喝進云今朝大士歸禪院手眼憑師為點  
明師云勝進云轉大士為羅刹則易化羅刹為大士  
則難非難非易一句作速道來師云截斷葛藤進云  
依然日午打三更師登拄杖士拂袖歸眾師乃云福  
城東際煙水漲大捨廟前樓閣開千手大悲們不住

無端放出善財來大眾且道善財來作甚麼隨行騶  
斷流水聲縱觀瀉出飛禽跡  
克彰禪人為師祖送靈骨入塔請上堂僧問生滅本  
來即不問如何是密師安身處師云主山前案山後  
僧禮拜師乃云一葉落天下秋一塵起大地收所以  
道因緣和合虛妄有生因緣別離虛妄名滅殊不知  
我密化上座性真常中求于來迷悟生灰涅槃了  
無所得既無所得且道伊即今在其麼處安身立命  
葛拈拄杖卓一卓云還委恁麼不離當處常湛然覺  
則知君不可見

上堂師云秋風起秋夜長未歸客思故鄉阿誰是未歸客莫是三賢十聖是未歸客麼西天四七東土二三未歸客麼今日現前大眾若僧若俗是未歸客麼若然歸者掉臂不顧其或未然且浸躊躇切不可終日塵勞汨汨業識怙慢蹉跎過日急須緊繫心鞵牢縛帶禪慎勿思前算後思後算前中途懈退必要猛者精彩暮直歸到故鄉田地方始住脚乃拈拄杖卓一卓云還有恁麼人麼良久云來到寶山須採寶莫教赤手又空回

星月孤照得世間人廓徹都來依樣畫葫蘆大眾還有依樣畫葫蘆者麼有則不妨好手中呈好手紅心裏中紅心其或未然山僧自畫亦也以拄杖打圓相於中擲地云層落落影團團千古萬古與人看開爐上堂師云盡空盡界惡爐藉人與非人俱在內烈火猛煙恒熾然殺生煉魂無礙放行則瓦礫生兇把住則黃金失色正當此際三緣未就二俱不了檀那添煤添炭與之助力山僧扇風扇火與之激揚大眾還有當爐不避者麼出來與山僧拄杖子相見卓一卓云有麼有麼一僧不出眾連喝兩喝師云焦

頭爛額似粟如麻 佛成道日上堂問當時雲門為甚麼要打殺釋迦老子與狗子喫師云智眼難容俗漢進云倘有人打和尚又作麼生師和聲便打進云者一休是打雲門是打某甲師云任徐下度僧喝一喝師復打僧禮拜師乃云昨夜釋迦老子打翻漆桶帶累多少人頭破腦裂今日山僧忍俊不禁也只好是看孔著樹拈拄杖向空畫此云會麼於此會得說什麼麻三斤九屎糞要休便休要歇便歇所以道無邊刹海自他不隔於毫端十世古今始終不離於當念其或未然更聽

山僧曲引旁通本也復舉世尊初出母胎一手指天一手指地云天上天下惟吾獨尊及至雪山苦行六年親星悟道亦云盡大地眾生一皆成佛了也據山僧判斷世尊一口兩舌處處惹人情見引得雲門大師道我當時若見一棒打殺與狗子喫貴圖天下太平然雲門大師只解騎虎頭不解捉虎尾遞相鈍置山僧當時若聞此語只消掩耳而出何也佛之一字吾不喜聞喝一喝卓拄杖下座

王堂師云柴米油鹽事事空客來無計可融通山僧昨夜動微火燒得須彌是芥中大眾還救取得麼試救取看時象蛙雜那舞坐具云和尚會麼喝一喝便出師云只好救取一半然那一半還須山僧自救取何故輪得自己贏得他人

土面進云新舊相本幾何師云看取上頭註脚問舊歲已去新歲到來新舊二歲了然不涉時如何師以手向面摸兩摸云會麼進云也要和尚相委悉師云為汝兩次不薦委悉箇甚透問舊歲新年即不問如何是春到梅華撲鼻香師云你鼻孔為什麼被他換却進云還在師云在什麼處僧喝師打云且道是賞你是罰你僧無語師乃云今朝新年頭昨日舊年尾頭尾與舊新總較者些子遂呈拄杖云大眾且道者些子又作麼生較良久以拄杖擲地云從今拋擲在春風一任華開與華落

師誕日上堂問清白池前蒼古柏拈得彌盧作壽山今日拈來和尚如何受用師云于丑寅卯辰巳午甲乙丙丁莫莽爾會禮拜師乃云三十五前一著子本無生也本無死釋迦狼籍雪山頭彌勒收歸布袋裏草拈拄杖云今日落在山僧手裏逢人切莫錯舉

二時惡發指天指地獨尊已大卻被雲門一棒要打殺撞著琅琊道箇好此淡心奉塵刹今日山僧不解明中抽橫骨暗中坐舌頭只好輕輕道箇活殺活笑笑殺大眾且道驚箇什麼笑箇什麼試箇點看箇點得出強中更有強中手惡人還有惡人麼

泉東印土國王請齋一眾俱誦經惟二十七祖般若多羅尊者默默晏坐王問尊者何不誦經者曰貧道入息不居陰界出息不涉眾緣常轉如是經百千萬億卷山僧看來本是一卷不斷頭經卻被尊者話為兩段致使無人信受奉行今日我翼乾沈大檀越來山請陞座山僧自付口門窄盡力道不出箇元字脚只好將遠祖者卷不斷頭經拈向人天眾前下箇註脚以拄杖卓一卓云還會麼下文繁長付在來日上堂師云六月炎天傾大雨聲聲因地磨無生洞知五十季前事滿目飛埃不是塵如是則截瓊枝而寸

寸是玉析梅檀而片片皆香其體也奚四山之可恃  
其用也非五色之能媒正恁麼時不涉體用一句作  
麼生道卓拄杖云有時扶過斷橋水依舊伴歸明月  
村復卓拄杖下座

解夏上堂師云休夏自恣千古同規者佛惟喜眾生  
敬信者其喜甚悲者甚悲以拄杖卓一卓云惟我木  
上座迥出悲喜之外終日開開倚倚黃昏今日卻彼  
山僧握在手中收之則掩天掛地放之則七縱八橫  
發大機顯大用佛來也與一頓魔來也與一頓現前  
若僧若俗若男若女來也與一頓過公七世父母歷

劫宗親有主無主乃貴乃賤來也與一頓復卓拄杖  
三下云大眾且道山僧何故如此輩只因聖制告圓  
大家做箇滿散喝一喝下座

地獄菩薩誕日上堂師拄杖云大眾見麼有眼必  
見卓一卓云聞麼有耳必聞如是聞見分明所以山  
僧陞座為汝諸人證據且道箇箇什麼見箇什麼莫  
是地獄菩薩捨其尊貴而降卑小為汝四眾發大誓  
云眾生度盡方證菩提地獄未空誓不成佛麼雖然  
汗馬功高要且不是納僧已鼻以拄杖敲香几云不  
若山僧今日變為諸人翻案去也眾生度盡不證菩

提地獄已空誓不成佛山僧恁麼告報還知落處麼  
卓拄杖下座

孫起伯建大悲閣請上堂師云山僧住此二三秋拄  
杖芒屨未徹頭于手大悲來摸索一莖艸上現變樓  
如是則塵塵垂手刹刹現身垂一手則千手萬手俱  
備舒一目則千目萬目皆狀其慈也與三世諸佛同  
其慈也與一切眾生共玉殿瓊樓因念而感雲路丹  
霄隨心而至時轉棘若士問古殿嚴僧林巍樓顯法  
幢法幢今大顯棒頭吉未明請師垂慈傍通一綫師  
為頭打一棒云棒頭有眼進云謝師指示師云血滴

滴地卓拄杖下座

結制上堂師焉拈拄杖卓一卓喝一喝云會麼若也  
會得便知結制從此結解制從此解結解本同源桑  
田變滄海其或未然更聽山僧為汝諸人說偈註破  
福城結制三冬惟有今季最兇捉敗五湖納子家收  
四海掣龍佛祖尚未預教人天豈立上風會得棒頭  
喝下管教及第心空喝一喝卓拄杖下座

淨心禪人為師祖覺然入塔請上堂僧問昨夜紫霞  
朝北關今朝瑞氣向南開且道靈骨入塔是何作用  
師云魚行水濁鳥飛毛落問諸行無常即不問覺公

丟後歸何處師云東西不管南北不收進云奴本生  
來不依本分過在甚麼處師云腳跟下好與三十棒  
僧禮拜師乃云殿殿腥風撲面來肩頭酸處口難開  
分明一具黃金骨東擲西拋幾幾回莫是一為無量  
無量為一得麼且喜沒交涉莫是小中現大大中現  
小得麼且喜沒交涉莫是菩提涅槃真如佛性得麼  
且喜沒交涉莫是山河大地明暗塞空得麼且喜沒  
交涉莫是四大本空五蘊非有得麼且喜沒交涉既  
然未得且道作麼生是覺然上座底黃金骨喝一喝  
云百骸俱潰散一物鎮長靈

破山禪師語錄卷二

十五

上堂僧問虛空無背面八面絕玲瓏向什麼處安身  
立命師云懷州牛喫禾益州馬腹脹問衲僧共住學  
無為誰是心空及第者師復打僧喝一喝師復打僧  
連喝師連打僧禮拜師乃云十五日已前為人膿滴  
滴地十五日已後為人血滴滴地正當十五日為人  
乾糞糞地朝打三千棒打八百畢竟落處如何黃狗  
喫食黑狗吠喚

清自知客為受業師覺凡入塔請上堂師云穢塵不  
染淨裸地絕承當寸絲不挂赤條條地無回互所  
以道和合妄生和合妄死既生死都虛是妄安有呈

染汚而著其間哉今辰覺凡定公教門人請山僧  
為伊陞座露布葛藤翻是無星礙處立星礙無染汚  
處成染汚矣何故我王庫內無如是刀大眾且頌  
一句作麼生道南北東西收不得天堂地獄孰能該  
佛成道解制上堂師云一點明星刺眼開輝天鑑地  
嘆奇哉當時想是無禪客若有和聲打落頭大眾且  
道釋迦老子有什麼過要和尚打落頭試問點看若  
箇點得出不枉在者裏朝參暮請之勤長期短限之  
通其或未然連山僧龜毛拂兔角杖只好擲向福城  
東祭又東祭去何也為眾竭力勸出私門擲杖下座

破山禪師語錄卷二

十六

師延日上堂僧問世尊生時指天指地和尚生時有  
何祥瑞師云七縱八橫進云慶賞一句又作麼生道  
師復打僧撫掌呵呵云別有甚麼一采新便拜師云  
莫眼華問三十六季前行棒行喝三十六季後度人  
已畢正當三十六季以何為人師復打頭一棒僧喝  
師連打兩棒僧禮拜師乃云山僧久不陞座想是舌  
頭爛卻四眾與吾慶生震威痛下一喝乃喝一喝云  
大眾且道者一喝落在什麼處時四維上座以兩手  
掩耳師復喝兩喝下座

結夏上堂師云東捨今季結夏老牛老馬歸舍雖無

水艸供看且有鞭地惡辣未審眾中還有拳頭戴角  
者麼試出來時跳看時象哩西堂以兩手作擎空勢  
師云且喜出來相共拖犁拽耙下座

解夏上堂師云今朝七月十五處處追宗薦祖山僧  
總不恁麼單收一頭水枯所謂法無定相隨遇即宗  
以一事明則千差萬別無不明以一理明則萬別千  
差無不突然而事也理也無不從此法界流出究竟  
還歸此法界所以道實際理地不受一塵佛事門頭  
不捨一法大眾正與麼時德山林臨濟喝麻三斤乾  
屎撒庭前柏樹子青州布衫重七斤還當得鬼神茶

飯麼還當得本分料理麼試辯別看若辯別得出一

任拳頭戴角宇宙縱橫其或未然莫將學解生知解

別起眉毛子細看

辭院上堂師云山僧肚裏亂如麻伎倆無能盡爪牙

千口禪期今日單杖頭卓處活龍蛇遂卓一卓云還

有現帶飛騰者麼衆無出師以拄杖橫肩云柳探橫

擔不願人直入千峰萬峰本

破山禪師語錄卷第一

破山禪師語錄卷第一 治于寺 德不敬 則 秀水 謝 仙 書 嘉興 祝 天 尊 刊 對 聖 德 中 城 五 春 月 嘉 木 帶 履 寺 殿 若 坊 表 板

破山禪師語錄卷第二

當陽玉泉嗣法門人印正等編

上堂二

在夔州府梁山縣萬峯山太平禪寺崇禎六年四月初一日入院

方丈云萬峯山頂別人間上有梧桐開合歡不是假

雞棲泊處箇中惟許鳳凰參顧視左右云有麼有麼

時一居士向前問訊師云雞棲鳳巢非吾同類

銓部文選郎中馮公善長 孝廉宋公維豐請開堂師

至法座前以杖擊云林敲千樹梅梢月喝一喝云喝

散萬峯山頂雲露出華王獅子座當陽一著許誰登

大衆見麼遂陞座拈香云此一瓣香形同枯木狀似

鐵牛曾向十字街頭橫行直撞今在萬峯手裏倒弄

顛拈燕向爐中端爲祝延

今上皇帝萬歲萬歲萬歲此一瓣香逢強即弱遇

柔則剛統中外之權衡樹文武之赤幟奉爲在任宰

官高瞻祿位未拈香云此瓣香窅入骨髓過犯彌天

自從親遭毒手此是第二回拈出供養見任浙江寧

波府新縣天童山景德禪寺密雲老和尚用酬法乳

之恩就座上首白椎云法筵龍象衆當觀第一義師

云若論第一義白椎上座已罷了也夏夏山僧鼓兩

片皮弄三寸舌堪作什麼雖然如是夏且新萬峰不

忍杜口太也只得向無言語處形言語無機用處發

機用終不似三家村裏裝聾賣啞咳唾掉臂以當宗

乘極則我者裏禪道佛法如山之高似海之深須是

過量者來略較些子如或未能以拄杖卓一卓云且

向者裏爲取復白椎下座

上堂玉川胡居士問生歎關頭事如何師云七又八

象進云正急麼時向其處安身立命師云蒲峽口橫

說豎說大龍峯頭顛尾巖士喝一喝師便打士云者

向無情破屋藏躲曠劫生成本今朝徹底翻現出本

來面目師登云如何是徐本來面目士云本來面目

誰似他水中明月鏡裏拳蕩蕩空空無不是歷歷分

明更不差師搖手士便出問石柱坪萬峯山相見了

也即今陞座夏爲阿誰師云你眼拳進云者老漢也

具者般眼師便打問鐵牛不怕獅子哈獅子即不問

如何是鐵牛之透師云怕人僧喝一喝師云者喝

濟得汝甚邊事會無語師乃云太平寺裏新開堂前

子齊來露所長儘力吐無元字脚有何佛法可商量

上堂僧問如何是萬峯境師云青青翠翠山頭臺進

云如何是境中人師登拄杖云直直條條肩上橫進

云無境無人時如何師便打僧連喝師連打僧禮拜

師乃云春至百華開秋來黃葉落四時尚不遷誰縛

欲誰脫如是則知天地同根萬物一體聖凡一心古

今一道事理一揆夏無一絲毫強言巧詐處兩入向

此不悟轉生人我妄計是非輪回是自取流轉今

日山僧只得向好肉上剜瘡虛空裏掘洞以拄杖舉

起召衆云還見麼見月休觀指歸家罷問程

冬月一日上堂師云識得一萬事畢南山起雲北山

下雨震威喝一喝云安渴羅龍王被山僧一喝嚇得

倒退三千里大地降了一夜濃霜箇箇凍得腰膝熱

睡大衆且道醒來受用一句作麼生道乾坤老我一

頭雪歲月消磨百幾聲

上堂師云十五日已前爲人前不構村十五日已後

爲人後不抵店正當十五日棒如雨點喝似雷奔大

衆且道是什麼意旨作何話會一馬生三寶

上堂僧問如何是諸法實相師便打僧付思師云或

漢僧禮拜云假饒劫壞時實相在什麼處師云合取

狗口僧禮拜師乃云山僧纔上蒲團正在做夢忽遇

尹戴二居士到榻前作禮請山僧陞座爲衆說法山

僧自揣世出世法。渾然是夢。妻財子祿。也是夢。真如佛性。也是夢。田園屋宅。也是夢。菩提涅槃。也是夢。官爲吏。也是夢。成佛成祖。也是夢。所以道一切有爲法。如夢幻泡影。如露亦如電。應作如是觀。此是閉眼底夢。還有開眼底夢。待大衆禮拜了。卽向伊道。衆無出師下座。居士跪乞說破師。頭一棒歸方丈。上堂僧問。如何是異類中事。師打云。畜生進云。也須還我話頭來。師又打僧。一喝。師又打進云。棒頭縱有真消息。也落時人第二。師云。如何是偷第一。機僧擬議。師云。不識痛癢。在問如何。是打灰人底棒。

師便打僧。作吹勢。倒地云。如何是活人底棒。師高聲云。將者。灰屍拖出。太僧卽起。趨出師乃云。山前山後。雨濛濛。就裏渾無一竅。通惟有山僧拄杖子。撐天拄地。活如龍。大衆且道。朝打三千。暮打八百。成箇甚麼。邊事衆無語。師喝一喝下座。

佛成道。日上堂僧問。有物先天地。正恁麼時。是先是後。師云。待天龍峯點頭。卽向汝道。問滿眼滿耳。非色非聲。是其麼。意師云。滿眼滿耳。非色非聲。問海濤浪。識境界。法身如何。是境界。法身師云。進前來。向汝道。僧禮拜。師云。猶未向汝道。禮拜箇甚麼。僧喝一喝。師

便打問世尊。拈華迦葉。微笑未審。笑箇甚麼。師云。笑汝不薦進云。薦後如何。師云。世尊不拈華迦葉。不微笑。僧禮拜。師乃云。華綠柳居士。爲我釋迦老人。成道來。山設齋。山僧只得因齋慶讚。以拄杖畫此。云。大衆會麼。時升吾張居士。出衆作禮。卓然而立。師云。此處會得。虛空粉碎。大地平沉。心佛衆生。三無差別。士展兩手。師復以拄杖畫此。云。六季冷地。無人問一點明星。是禍胎。

上堂師云。昨夜梅華香。宇宙今朝雪。子搗長空。就中一點真消息。拈向諸人鼻孔中。暮呈拄杖云。未證據。

者向此喫喫看。是甚麼意旨。時破浪在衆作呵。呵聲。師以拄杖擲地云。穿過獨轆。解制上堂師云。萬峯解制。萬峯雪封。著聖凡人。路絕只許。禪龍躍碧空。橫身天外。搖長舌說道。一切法不生。一切法不滅。問取諸人。向此長期短限。就中者。點微不徹。徹則掉臂不顧。不徹從前與汝。眉毛腐結。何故太平寺裏。原與諸方。迴別。爲受業大持師翁。掃塔上堂。僧問。始別三巴。太終歸桑梓。來還鄉曲。調作麼。生唱師云。哩囉哩囉。進云。大持師翁。卽今在什麼處安身。師卓拄杖云。會麼。進云。

我則不然。師打云。不然。箇什麼。僧拂袖便出。師乃云。山自青兮水自綠。其中一具黃金骨。龜狀坐斷長松。林日有風雲。常拭拂。如是鳥用。忤逆兒孫。拈菴而爲祭。豈蓋人人。本有者。具黃金骨。一向東擲西拋。出生入死。不知生之來處。死之去處。所謂佛出世。唯爲一大事。因緣者是也。然祭掃者。世俗中。臣當盡其忠。子當盡其孝。仁義道中。理不可無。吾教中。亦有授受之源。燈燈相續。師資之禮。亦復如是。總之。祭掃中。爲活計。不明生歿。大事因緣。則祭掃何益也。畢竟將大事。因緣。看到不疑之地。方可君恩。親恩。三宗九族。

思一時報畢。大衆且報恩。一句作麼。生道。將此淡心奉塵刹。是則名爲報佛恩。喝一喝下座。上堂僧問。峯巒挺秀。鶴不停機。未審夜來。還許歸巢否。師云。松樹下一場。懺懺進云。長飛太時。如何。師云。卻跟下好。與三十棒。僧禮拜。師乃云。昨夜濃霜。鋪大地。今朝早日。麗長空。箇中一點真消息。惹起泥牛。嚼萬峯。所以道。欲識佛性。義當觀時節。因緣時節。若至其理。自彰如迷。忽悟。如我字水上。坐會向三乘十二分。教已具一隻眼。不以得少爲足。遠來萬峰。痛爲激揚。正是時節。因緣至也。復舉周金剛云。三乘十二分。

教習。煩慮知終不聞。南方一類。魔子道。直指人心。見性成佛。于是出蜀。澧陽路上。見一婆子。賣餅買餅。點心。婆指擔曰。什麼文字。曰。青龍疏。鈔曰。講何經。曰。金剛經。曰。我有一問。倘若得施與。點心。若若不得。且別處去。買金剛經。道過太心。不可得。現在心。不可得。未來心。不可得。未審上座。點那一箇心。渠無語。婆指參龍潭。及到龍潭。談及此事。抵夜潭曰。變淡何不下。太周珍重。復出。卻回曰。外面黑。潭點紙。燈度與周。疑務。薄復吹滅。周於此。大悟。便禮拜。潭曰。子見箇什麼。周曰。從今向去。不疑天下老和尚。舌頭也。至來日。

潭陞座。謂衆曰。可中有箇漢。牙如劍。樹口似血盆。一棒打不回頭。他時向孤峯頂上。立吾道。太在周將疏。鈔堆於法堂前。舉火炬曰。窟諸玄辯。若一毫置於太虛。竭世樞機。似一滴投于巨壑。遂焚之。師云。試看者。著子未悟時。以舌尖利。辯處認爲大海。殊不知似一毫而已。從吹滅紙燈時。方知小大不相容。隱大衆。且道。未悟時云。三乘十二分。教畧。頗處知。還知箇什麼。已悟後。又悟箇什麼。還委悉也。無未到盡。驚山險峻。會來方識路高低。

師延日上堂。僧問。和尚。誕生是有量。如何是無量。師云。耳采原來。兩片皮。僧禮拜。師乃云。人人道我生我。生到我家。應知生。吹根。棒。徹虛空。隨驚起。石鳥。龜能。不識。鴿子。大衆。當恁麼時。不涉春秋。一句作麼。生道。說伊。數到劫雲。初不識。平天。筆甲子。師延日。結制上堂。僧問。從上佛祖。所傳正法。眼藏。涅槃。妙心。涅槃。妙心。卽不問如何。是正法。眼藏。師云。暗進云。暗師云。是。徐。暗。是我。暗。暗。而。出。師云。大。似。西。施。戴。著。華。師。乃。云。今。辰。是。我。釋。迦。老。人。從。摩。耶。夫。入。腹。中。走。出。周。行。七。步。目。顧。四。方。一。手。指。天。一。手。指。地。云。天。上。天。下。惟。吾。獨。尊。起。于。支。時。節。也。復。雲。門。老。

破道我當時若見一棒打殺與狗子喫貴闍天下太平亦是勾賊破家不免餽觀者晒萬峯恁麼告報未審衆中還有抱不平底麼有不妨推倒禪牀喝散大眾寧不俊哉如無且向萬仞峯頭結夏千軍隊裏安禪半坡一併拈卻處處揚華吐燿

上堂師云黑漆皮燈籠中間欠點紅有人解挑撥無處不灸通大眾莫是三世諸佛橫說豎說是解挑撥麼料掉沒交涉歷代祖師頭拈倒弄是解挑撥麼料掉沒交涉明字趨居士施點長命灸燈是解挑撥麼料掉沒交涉今日現前檀越營香供衆是解挑撥麼

料掉沒交涉香燈蚤晚殷勤是解挑撥麼料掉沒交涉既絕未是畢竟是甚麼人解挑撥聲以杖指燈云我見燈明佛本亮端如此

因雪上堂師云颯颯風聲動林野飄飄雪片滿丹墀當季有箇脫居士問者十八九不知只爲不識陰陽造化皆從此始被寒暑境物熱瞞了也衆藥山十禪客送脫居士至門外話雪因緣師云萬峰當時若箇數得伊道好雪片片不落別處使劈口與他一拳直饒脫居士辭似懸河塞斷咽喉而公還知麼莫言青衲起更有不眠人

上堂師云天晴日頭出落雨地下溼人情所必狀何用強分析不分析且道寒棟宇者裏牧一羣水牯牛痛添料料呈拄杖云還會麼衆無語師高聲云少間向盤底飭頭上薦取卓拄杖下座

解制上堂師云年年七月十五惟有今年最苦田禾又被天收人物盡遭賊擄太平寺裏今朝解制明上座不妨隨倒顛倒以拄杖一時打散歸方丈

開爐上堂師云舊季始今季未爐鞴銼錘分外惡任是銅頭鐵額來頂門一擊傾瀉欲如是則全殺全活鑄利器於目前半掩半開運磨滓於腦後千妖百怪

結舌藏鋒十聖三賢潛踪絕跡正當恁麼時且道鳳泉黃居士祈嗣一句作麼生道麒麟出而鳳凰現金論御而玉燭調

上堂師云今辰是我尼足上座營齋供衆請山僧陞座露布者箇消息然者箇消息自我釋迦老人初出母胎一手指天一手指地云天上天下惟吾獨尊已露了也後出孔聖人道未知生焉知死吾無隱乎爾亦露了也又安山僧露布箇什麼難狀如是事無一向有條條無條條舉韓文公參大顛禪師問曰春秋多少顛舉念珠云晝夜一百八公回致疑次日

參禪師語錄

再來遇堂中首座舉前話問意旨如何座扣齒三下公復造大顛之室理前問顛亦扣齒三下公曰原來佛法無兩般顛微其故公曰適來問首座亦如是答顛召首座問曰是汝如此對否座曰是顛拈拄杖打二十擲出院師云文公若不洩入虎穴爭得虎子大顛雖有定亂之謀且無安邦之計大似打蠻子嚇好人大家如大顛不拜首座則且置且道今時人與古時人春秋數目畢竟是多是少還委麼僥倖君晝夜一百八數到臨季季未休

修造畢上堂師云復古太平寺凄然感廢興寒灰八百載破神兩三僧野鼠居香積妖狐吹佛燈黃金重布地不識有誰能

上堂昨夜冬瓜勸瓠子今朝瓠子勸冬瓜分明曲直兩條路行者如何不到家大衆且道誰是途路客誰是到家者屋北鹿獨宿谿西雞齊啼

佛成道日上堂師云天上明星突出釋迦打失一目回觀六道四生箇箇如蟲絮木

師誕日上堂師云此衆無枝葉惟有諸真寶寫呈拄杖召大衆云且道者箇是真寶是枝葉試辯別看若辯別得出盡未來際不會生盡未來際不曾滅淨躡裸絕承當赤灑灑無回互到此喚作無生話無縫塔無底籃無根樹既一切俱無現前椎鐘播鼓雲集四衆強山僧登曲泉木牀弄鬼眼睛底復是何物只知事逐眼前過不覺老從頭上來

結夏上堂師云正仁張居士爲我釋迦老人降誕之辰澆一杓惡水要山僧痛爲雪屈只得驅天龍峯倒卓蒲峽口橫開說幾句長言短語應箇時節遂高聲

云世亂季流事事礙道人行履自如圭饒餐湯飲津無事煉得身輕同鶴飛

上堂曾問盡力道不出底句分付何誰師云脚膝入布袋曾舞坐具出法堂師喝一喝乃云十方同聚會天龍八部人非人等箇箇學無爲卓拄杖一下云惟有首領不墮諸敬此是還佛場東邊牛欄西邊馬隔心空及第歸淨底自是淳樸底自是羸萬峯恁麼註脚且道還有脫居士轉身吐氣處也無時破雪同衆齊下一喝師喝一喝卓拄杖下座

上堂師云六月一暑熱極路上人頂傘田中人戴笠

此事極分明何用強分析噴不分析將謂赤鬚鬚更有鬚鬚赤

開爐上堂師云大地分明一座爐聖凡渾是火柴頭我挨濟濟無他伎一度生煙一度愁大衆且道那裏是他生煙處莫是出生入成是生煙處麼趙凡越聖是生煙處麼無明煩惱是生煙處麼貢高我慢是生煙處麼喜怒哀樂是生煙處麼若也如是則拳宇宋居士飯僧祈嗣符非生煙而何所以道凡有所求一切皆遂求官位得官位求富饒得富饒求長壽得長壽求男女得男女其或未狀且將無明而證解脫即

解制上堂師云燦爛竹響元宵露柱燈籠話寂寥漆桶依眠還不快青藜拄杖打爐腹卓拄杖喝一喝云討甚麼盤



煩惱而獲菩提。一話頭朝也如是暮也如是。行也如是坐也如是。夢到情忘見絕。智泯心灰。因地一聲方得倒。斷以拄杖卓一下。云：還會者箇麼？覓火和煙得擔泉帶月歸。

解制上堂師云：長期短限，不惜寸陰。暮請朝參，非圖蛙步。且如俊鷹快鶴，終登鳳子龍兒。人人氣宇吞空，箇箇光明合象。不因正打傍敲，奚具銅頭鐵額。雖然如是，莫且諸方大人，不可在何以故。開門放出師，當漢腦後分明欠一楸。

上漫漫脚下漫漫，問萬法歸一一歸何處。後高峯大師道：我當時打失一隻眼也。且道那裏是他打失眼處。師云：十字街頭，願無語。師噓一聲，僧禮拜。師乃云：萬峯今歲強開爐，柴米油鹽事事無。珍重兩堂雲水客，肚饑須用篋條。猶如是則知馬祖問藥山云：汝既如何不拾取三條篋束，取肚皮隨處住。山云：某甲何人敢言住山。祖云：不然未有常行而不住，未有常住而不行。欲益無所益，欲為無所為。宜作舟航，無久住此。師云：藥山老漢受恩深，處處為家。

只得恁麼去。馬大師憐兒不覺醜，只得恁麼行。萬峯者裏雖是與他同條生，不與他同條死也。無真寶處，那更有皮膏。以百日為限，以徹為期。各各放開肚皮，隨處鼓粥飯氣。奈何故男兒自有斷天志，不向他人行處行，喝一喝下座。

上堂問：如何是透關句。師云：胡茄索上知音少。羌笛城頭和者稀。進云：如何是不平糶貨。師云：救病出金餅，師拈杖便打。進云：恁麼不恁麼。師云：透海幾龍龜，師噓一聲。僧禮拜。師乃云：兩又不成雙，單又不成隻。雙妹三雙三，長慶蒲團七。德山末後句，雲門額鏤喫。

萬峯不恁麼無孔鐵錘當面，以拄杖擲地云：參。上堂師云：古人道：第一句薦得與佛祖為師，第二句薦得與人天為師，第三句薦得自救不了。雖然如是，魚魯參差，刀刁相似。今日山僧又且不然，第一句薦得好肉劍，第二句薦得虛空掘洞，第三句薦得爛泥有刺。大眾！山僧恁麼告報，且道與古人是同是別。時字水鼓掌一下，師噓一聲下座。

解制上堂僧問：有結有解，世諦流布無結無解，未是全提和向到此。如何指示師，便豎起拄杖進云：八角磨盤空裏走，腳頭不覺是春來。師云：腳跟下好與三

十棒僧禮拜，師乃云：今日萬峯解制，驢唇馬嘴齊出。渾如春燕喧梁，宛似秋蟬語樹。拄杖在杖，契致疑石。瓦塊管地分明告報諸人，只恐諸人不薦。卓拄杖名大眾云：還薦麼。有兩僧齊喝。師云：師鞞脚底疑無路，拄杖前頭別有山下座。

辭院上堂師云：奔東走，西脚跟猶未點地。本此就彼，鼻孔依舊逸天。龜毛拂子刺瞎釋迦眼睛，兔角杖頭敲破狸奴腦蓋。蒲峽口讚揚莫及，金鵝池水洗不淨。只得捺起便行，亦是令行符到。正恁麼時，且道如何行履。雲狗徑兩行煙淚落，引鞭一響馬蹄黃。

住梁山中慶禪寺三門云：天王賜與筆，屋裏因門入。且道如何是門。喝一喝云：從者裏入。方丈齋廚煎餅炒，中慶本分炒料喫。著令人便飽，指法座云：聲色二上座已為諸人露頭露面了也。還見麼。華光滿座，梁燕語留人。遂陞座拈香云：此一瓣香端為祝嚴。

今上皇帝萬歲萬歲萬歲，伏願鸞弓已挂狼煙息。萬里謳歌賀太平，大拈香云：此瓣香奉為國國歡。貴當道宰官伏願風以時雨，以時道安百姓齊其家治。其國德被萬民，拈香云：此瓣香感音那畔盤根今。

世門頭秀實第三回拈出，供養天童山密雲老人。用酬法乳，斂衣敷座上。首白：稚童師云：鉤頭有餌，意外無私。擬汎扁舟，魚龍踳跳。還有現躍飛騰者麼。僧問：釋迦老人今日生，是謂謗佛。釋迦老人未生，亦是謗佛。生與未生，即不問如何。是瞿曇獨尊處。師云：將謂釋迦龍躍，誰知跛躓來。僧喝一喝。師云：此喝落在甚麼處。僧擬測師，便打。僧禮拜。師乃云：山僧向南方走，一回拾得幾箇金剛圈。一盤粟棘蓬，今日向人天眾前，不辭拈出與諸人共相吞跳。以拄杖打圓相云：者是金剛圈。試跳看僧云：跳師舉拄杖云：者是粟棘蓬。試

吞看僧云：吐師云：多口阿師。未曾在僧無語。師云：不是與人難共聚，大都細素要分明。上堂師云：撞到今朝五月一，荒田瘦地都栽畢。我儂有首洗泥歌，唱出令人笑。屎滴哩囉囉囉，種田博飯家常事。不是飽參人不知，復舉地藏問眾。禪客從何方來。一僧云：從南方來。藏曰：南方佛法近日如何。僧云：商量浩浩，地裁曰：何如我者。裏種田博飯喫。僧云：怎奈三界何。藏曰：喚什麼作三界。僧無語。師云：者飯袋子，大似逆風揚塵。自取撲面，若是箇漢待他問。南方近日佛法如何。只消當面便唾，更再如何若

何拂袖便行，不惟疑著地藏，亦且不玷行腳。山僧恁麼告報未審，眾中還有傍不肖底麼。良久眾無出師云：行脚不開如是眼，艸鞵終被石頭欺。上堂師云：般若如火，聚四面不可入。般若如清涼池，四面俱可入。大眾！且道入底是不入底。是試簡點看。若箇點得出，不妨到方丈裏通箇消息。

開爐上堂師云：煅煉幾團頑鐵，入火爐而出火。細療理幾箇病人，吞藥易而吐藥難。只須吞吐得宜，入出得所。慈悲下智之庸愚，成就上根之利器。若遇冷脆，煎焦牛溲，馬溺任是扁鵲盧醫，見之拱手巧匠良工。

聞之吐舌是以中慶今日開爐設舖未審眾中還有  
不經殺煉療理者麼試出來相見如無巧匠爐邊多  
鈍鐵良醫門首足病人

上堂師云說心說性毒蛇頭上指癢舉古舉今饑鷹  
爪下奪食明上座不吐一詞卻違所請只得因齋慶  
讚本也以拄杖畫此名大衆云會麼若也會得東  
家牛溲卯西家馬出鴉羊擇乾處尿噓揀屎處屙其  
或未狀中和冬頂雲蒸飯佛殿塔前狗尿天

住開縣鳳皇山栖靈禪寺三門云門裏出身易身裏  
出門難難易且置如何是身裏門門裏身以拄杖劃

一劃云皂上烏鷄淡夜繡暗中一綫實難通

佛殿云清涼冷澆寂寞苦空箇裏薦得了無異同新  
長老不識好惡且向箇裏展具三拜

方丈云維摩室而不窄摩耶腹而乃寬今日新栖靈  
端居方丈權衡佛祖號令人天且道將甚麼施設一  
盤粟棘蓬幾箇金剛圈

施主請開堂師至法座前以杖指座云大衆見麼即  
此座非他座三世諸佛從此持法輪歷代祖師從此  
傳心印明上座又且不然從此何佛爲祖公也何故  
鬼怕惡人難展掌賊患賊物易成頭喝一喝遂陞座

拈香云此一瓣香端爲祝嚴

今上皇帝躬躬萬歲萬歲萬歲伏願竟風吹一統  
舜日照三千大拈香云此一瓣香奉爲本省當道尊  
官伏願威鎮三峽光耀九天末拈香云此一瓣香名  
不得狀不得第四回拈出供養天童山客雲老和尚  
以醪法乳之恩斂衣就座上首白惟竟師云水投水  
澄源湛寂空合空寂豁然就中能變化吐風雷者  
試出來相見僧問昔日瞿曇今朝和尚是別師  
打云是同是別進云即今已登獅子座單傳意旨是  
如何師亦打僧舞坐具而退師乃云一法若有昆盧

墮在凡夫萬法若無普賢失其境界縱橫理事收放  
主賓納須彌於芥中擲大千於方外餘是大中現小  
小中現大一爲無量無量爲一正德歷時福國諸民  
一句作麼生道且氣埃清四海垂衣王化自無爲  
復舉陸豆大夫語南泉云摩法師也甚奇怪解道天  
地同根萬物一體泉指庭前牡丹云大夫時人見此  
一株華如夢想以師召大衆云且道南泉此語是過  
譽語是寓語試請別看若辨別得出玉空金馬登  
科第馬州殘華壯帝都

上堂師卓拄杖一下云大衆問麼木上座爲汝諸人  
轉根本法輪本也麼說利說熾然說無間歇復以拄  
杖擲地云頻呼小玉原無事只要檀郎認得聲

病起上堂僧問元微生平不參禪不學道祇拾得一  
柄金剛劍能截斷天下老和尚舌頭今日舉向和尚  
前未審如何抵敵師合掌云善哉善哉進云不露鋒  
鋦時如何師云白鐵漢僧喝一喝師云再喝一喝看  
僧擬測師云灼然僧禮拜乃云病僧爲病極說法  
乖法式靜地念摩訶等聲入福慧所以道我本無病  
爲衆生病衆生病除我病亦無衆中還有病不病者  
麼良久云二十年來經藥餌不知此疾是膏肓

上堂師云如何是諸佛出身處東山水上行如何是  
諸佛出身處西河水裏坐如何是諸佛出身處熏風  
自南來設問生微涼咄字經三寫鳥馬成馬  
上堂僧問不參禪不念佛只學得一箇無心應萬物  
師云那裏是汝無心處進云無心豈有處師驚頭一  
棒云者箇尊禮禮拜云謝指示師云指示箇什麼僧  
擬議師噓一聲僧禮拜師乃云者箇事三賢瞻喪十  
地魂驚變大地作黃金粉長河爲酥酪拈一莖艸作  
丈六金身將丈六金身作一莖艸坐微塵裏轉大法  
輪如是則古人道有一物明歷歷黑漆漆上拄天下

拄地常在動用中動用中收不得大衆既在動用中  
爲什麼收不得遠道速道

上堂師云眼若不睡諸夢自除心若不異萬法一如  
所以道我有時見山不是山見水不是水見僧不是  
僧見俗不是俗見男不是男見女不是女有時見山  
是山見水是水見僧是僧見俗是俗見男是男見女  
是女如是則全明全暗雙放雙收一句作麼生道卓  
拄杖喝一喝云下坡不垂快便難逢

上堂師云昨日三今朝四俄然不覺霜鋪地朔風凜  
凜骨毛寒吹起箇中無孔箇韻出漫遊雲疏通前後

際非五音非六律問取拄杖子拄杖子道箇直條條  
赤灑灑終日倚牆靠壁參

上堂師云默時說驅耕夫之牛說時默奪饑人之食  
就中有舌頭談而不談且道是什麼人舉世尊一日  
陞座默然不語阿難白佛云世尊何故不說法佛言  
會中有二比丘犯律儀故不說法阿難又白佛云是  
是二比丘爲我指出世尊還復默然阿難又白佛云是  
二比丘爲我指出世尊何故不說法佛言吾誓不爲  
二衆人說法便下座師云據山僧看來世尊大似壓  
良爲賤衲靈門下要且不然若有人白云衆中有二

比丘犯律儀爲我指出請和尚爲衆說法只向他道  
爲汝說法竟山僧恁麼告報不獨辯魔揀異亦且流  
通正眼以拄杖卓一下云還委悉麼禍不單行

辭衆上堂僧問寸心不昧時如何師云天上有星皆  
拱北人間無水不朝東進云善惡不隨時如何師云  
腦後見頭僧禮拜師乃云擺掉臨江走一頭絲綸纜  
展浪橫帆收來放去如何速此處無魚別下鈎  
破山禪師語錄卷第二  
法門人蜀渝州平寺照天殿列  
秀水湖和仙書 兼與悅天章州  
康廣成中歲五春月 兼承賜 寺設若坊 歲

破山禪師語錄卷第三

上堂三

當陽玉泉嗣法門人印正等編

住順慶府渠縣祥符禪寺師在栖霞受請拈帖示眾云三張白紙便謂千里同風一箇圓相欽師卻被馬師惑栖靈者裏車不橫推理無曲所請維那剖露山門云昔日開公道祖從此出今胡不肯兒孫從此入雖然出入不同要且門庭不別大眾目道那裏是不別處以杖指云十方婆伽梵一路涅槃門佛敷云堂堂坐斷千差路密密流通萬別疑信手拈

來無不是當陽拋出大家知雖然如是也要公驗分明展具三拜

方丈云據此室行此令勿問船來陸來只要頭正尾正喝一喝

指法座云八萬四千獅子座此當為第一縱廣正等八萬四千由旬此座非大於中坐者其身非小以如是座坐如是人以如是人坐如是座大眾還見麼舉頭天外望誰是我般人遂陞座拈香云此瓣香端為今上皇帝祝嚴聖躬萬歲萬歲萬歲伏願皇風共山川而並扇法輪同日月以齊推次拈香云此瓣香

奉為文武卿相閩郡縉紳伏願借當世而修出世即凡心以證聖心未拈香云此瓣香從東過西從西過東撞著一箇老布衲一椎粉碎此是第五回拈出供養見住浙江寧波府天童山密雲老和尚以麟法乳之恩斂衣跌坐上首白椎竟師云古峴灘頭擲釣臺絲綸初展公還來清波淨定有無意負餌金麟夢眼開以杖作釣勢云有麼有麼時有僧出眾禮拜起喝一喝拂袖而退師云領取鉤頭意莫認定星星良久復云毛吞巨海萬頃風濤闊拈拈不納須彌十方世界淨裸裸以大圓覺為我伽藍四生六道盡集其中

行住坐臥屈伸俯仰迎賓待客局屎放尿拈是放筋動靜忙閒無不承此恩力所以道佛子住此地則是佛受用常在於其中經行及坐臥夫如是會人人悟證平常箇箇七穿八穴不待啐地折墮地斷如紅爐點雪冷灰曝豆正與麼時祝聖開堂一句作麼生道鷓鴣弓已挂狼煙息萬里謳歌賀太平

上堂師云季季臘月八黑豆解生芽水母因無眼求食須仗蝦明星射腦益捏目便生華此道如何會釋

上堂師云今日強登曲木圓音一啗震山谷人非人等驀相逢彈指頓超煩惱窟如是則知顯教圓寂

正堂禪師不離煩惱而證解脫不離生死以般涅槃來山僧拄杖頭上倒駕慈航現無邊神變道兩句苦辭太也大眾還聞否且道是那兩句彈耳邊多少閉

題目賺我光陰十萬程

上堂師云天地未始父母未生渾忘物我撥擲渠誰以拂子畫一畫復畫此云自此一畫一圍而分兩儀四象八卦六爻以至吉凶否泰交會岐殊妙辨懸河無出此一圍一畫之中復畫云若也從此薦得

改禾莖為粟柄易短壽作長齡其或未然有限身心

時不待無情寒暑日相催

上堂師云今朝臘盡與本窮處人燒松火蓬惟有此間一種別冷清地園叢叢復舉秀才問趙州佛滿一切眾生願是否州云是日弟子要和尚手中拈杖可與否州云君子不奪人所好曰我不是君子州云老僧亦非佛師云秀才雖有定亂之謀且無安邦之計趙州探竿在手影神隨身不妨奇特中顯奇特好手中呈好手將謂本分翻為分外山僧正眼看來疑唇口處好與三十棒何也祥符門下賞罰分明

靈本光破諸暗蓋子撲落地碟子成七片露柱撞燈籠山門騎佛殿此意是如何吾道一以貫

師誕日上堂僧問和尚跳出生火園如何今日又降誕師云大好疑者僧禮拜師乃云突出難難難別

疑之易易易承當一聲因地盡生次下座云諸仁者請續後句

上堂僧問月未圓時如何師云合進云月正圓時如何師云恰進云星月不現時如何師云割僧禮拜師

乃云蓮胎未質梅藥不萌洞空劫之本有盡今時之自得人人常光現前箇箇壁立萬仞只饒海屋添籌

南山曾算猶是化門邊事不涉延促一句作麼生道一粉紅白桃李樹四野青黃菜麥田

上堂僧問是法非思量分別之所能解為甚麼唯佛與佛乃能知之師云知音不必頻頻舉八兩原來是半斤僧禮拜師乃云施主強請陞座多說不如少說

少說不如不說何以故是法不可示言詞相寂滅復舉藥山久不陞座院主白云大眾久思和尚示誨山

日打鐘者眾繞集山便下座歸方丈主隨後問曰和尚既許為大眾說法為甚麼一言不措山曰經有經師論有論師爭怪得老僧師召大眾云昔日藥山今

朝祥符且道是同是別良久復云旱地雷聲晴天霹靂兩箇古錐都來是賊

上堂師云止止不須說葛藤編野不為多我法妙難思絆著幾箇便賣弄諸僧上慢者冬瓜直儻個孤子

曲彎彎聞必不敬信只緣無眼耳鼻舌身意山僧恁麼判斷且道釋迦老子還向什麼處轉身吐氣只怕

眾生不是佛是佛何愁不解語

上堂僧問師云平地起孤堆虛空墮地走撞著瞎驢鳴將謂獅子吼震威喝一喝下座

追嚴上堂師云春日晴黃鸝鳴聲聲韻出觀音門有

人向此活機括利剝塵塵現勝身如是則我等持滿  
公先慈余氏不離當處而徧沙界不歷僧祇以獲法  
身來山僧拄杖頭上現一行三昧本也卓拄杖召大  
衆云還聞麼若將耳聽終難會眼底聞聲方始知  
上堂僧問青天白日昭昭靈靈睡者時主人公在甚  
麼處師云向前來與汝道僧遂進前一步師云是甚  
麼進云不離當處師笑云大好睡者在僧禮拜師乃  
云雲疑覺春盡雨過知華茂了達覺知處處恁忙亦是  
閒大衆忙間即且置試道覺知處如何了達良久云  
不遇春風華不開華開又被風吹落

解制上堂師云今朝三月十日禪期畢衲子問如  
何棒頭裏面擲受殊前後三長慶蒲團七即此罷爐  
鏡幾人成大器以拄杖擲地云祥符解開布袋放出  
出羣角虎不會獅子翻身箇箇解打口鼓以手拍口  
云婆娑

住順慶府大竹縣無際禪寺山門云門庭施設不如  
破山入理淡談猶較無際百步以拄杖卓一卓便入  
佛殿云若向者裏禮拜眼裏撒沙不向者裏禮拜佛  
頭者盡試問諸仁者且道禮拜底是不禮拜底是遂  
展具云不禮各自白彌尊禮則互相恭敬便拜

方丈云入門棒入門喝痛施惡辣鉗釘有時語有時  
默全彰本分神料忽遇一箇半箇瞎驢且作麼生管  
待喝一喝

指法座云千聖向此證知一衆從茲開悟人人立地  
頂天箇箇眼橫鼻直還見有路可上也無迷陞座拈  
香祝聖畢末拈香云此辨香三登九上撥神瞻風受  
盡苦辛一期印可第六回拈出供養天童山密雲老  
人以齋法乳之恩斂衣敷坐上首白椎竟師云鳳山  
挺秀燕水逍遙鶴不停機龍難湊泊就中有現躍飛  
騰者麼一僧出衆喝一喝師云跛躄盲龜亂跳跳僧

無語師云不信道問今日結制聚喧喧心光照透境  
相還心光照透即不問心境雙忘事若何師云十字  
街頭覩見父進云心境未忘時如何師微云汝喚什  
麼作境僧佇思師噓一聲僧禮拜師乃云一機透徹  
千途萬轍同歸一道坦然十聖三賢齊赴火不待日  
而熱風不待月而涼鶴脰自長鳧脰自短只饒未露  
已前薦得猶是半提且全提正令一句作麼生道橫  
按築鄧全正令太平寰宇斬癡頑

上堂師云如何是祖師西來意庭前柏樹子、覩者則  
眼暗如何是祖師西來意神前酒臺盤、喫者則口啞  
如何是祖師西來意簷前雨滴聲、聽者則耳聾大衆  
會麼守經三寫鳥焉成馬

上堂師云若以問答是禪禪非問答若以坐臥是禪  
禪非坐臥若以動靜是禪禪非動靜若以取捨是禪  
禪非取捨若以語默是禪禪非語默正恁麼時如何  
是禪羣泥牛耕破波心月木馬嘶回劫外風復舉梁  
武帝前因為樵夫上山斫柴次忽值猛雨投破寺寮  
見佛亦被雨灑即以自戴笠蓋佛後報為王是以不  
逃本因五里一菴十里一寺又感初祖達磨航海而  
來迎內供養一日問曰朕造寺度僧未審有何功德

唐云實無功德武帝自此開悟悔昔所作盡是有為  
功用今日山僧看來一佛一祖鼻孔各別一箇是荷  
葉團團似鏡一箇是菱角尖尖似錐

上堂師云有問有答踏著秤錘原是鐵無問無答鼻  
孔依然搭上唇且道問底是不問底是良久卓拄杖  
一下云參  
浴佛上堂師云季季四月八處處浴悉達者裏不恁  
麼焚香活燒殺何以故是法平等無有高下復舉世  
尊初生一手指天一手指地復道天上天下惟吾獨  
尊後雲門大師道我當時若見一棒打殺與狗子喫

貴圖天下太平師云一佛一祖手眼各別一箇意在  
東南一箇志向西北無際今日各與三十棒何故如  
此山僧棒頭有眼  
上堂師云今日陞座無他為齋宇張居士求詞特特  
舉揚宗教續佛祖慧命即續人間宗嗣所以道不幸  
有三無後為大以生歎涅槃也是大山川社稷也  
是一大田園屋宅也是一大妻財子祿也是一大然  
而大之一字總是無人替得故曰為大山僧另有極  
小小事亦無人替得試問諸人如何是極小小事  
良久云只有屎尿是箇小事也要各人自本始得

上堂僧問昔日長者金瓶布地今日李居士營齋供  
衆其功是問是別師云鼻孔原來下頭大進云何不  
直截道一句師驚頭一棒僧禮拜師乃云自我達磨  
初祖觀東震旦國有大乘根器特特航海而來直指  
人心見性成佛以言句露者箇消息易引人情識乖  
戾直指之旨後出臨濟大師以棒喝接機絕情識  
如擊石火似閃電光直下令人無回避處如將梵位  
直投凡庸更不如何若何是謂之知痛癢近來本聖  
時遙情實日鑿又將棒喝處穿鑿不少以打處云痛  
切審痛底是誰可憐生不獨不會吾祖棒喝之旨且

不會尋祖西來之意也然而鼻祖以言句定旨蓋疏  
通執心執性之謂後以棒喝定旨蓋疏通言嚼句  
之謂豈是以打處痛處云知痛癢也耶若如是會則  
吾祖者條林早已拘折了也西來大意早已抹殺了  
也又安繼於今日哉復豈拄杖召大衆云還會麼千  
鈞之弩不為處鼠而發機

追嚴上堂師云苦雨盆傾下愛河長欲波魚龍沉巨  
浸孤兔隱溪坡竹枝落塵少匹羸增價多公靈承此  
力彼妍忽經過所以道處生歎流飄珠獨耀於滄海  
踞涅槃岫桂輪孤朗於碧天正恁麼時不涉二途一

不涉二途一

句作麼生道隨順世緣無事礙涅槃生空等空華  
上堂師豎拄杖云者簡事明歷歷黑黍黍十聖三賢  
從此蒸騰歷代祖師從此悟證一切眾生從此摸索  
不著所以香嚴道昔季貧未是貧今季貧始是貧昔  
季貧猶有卓錫之地今季貧雖也無復卓拄杖云大  
眾且道如何是無底道理喝一喝下座  
上堂僧問何火無煙而自明師云解打鼓進云何水  
無魚而蛟住師云解打鼓進云何鏡非銅而允輝師  
云解打鼓進云頭頭盡是虛靈靈物物全彰觸處真  
師喝一喝僧禮拜師乃云學道之人不識真只為從

前認識神無量劫來生來本癡人認作本來人此是  
古人一首上場詩山僧今日拈來人天眾前下箇註  
脚殊不知識神與本來人相本不遠只在就中辨別  
若也辨別得出處處綠楊堪繫馬家有路透長安  
其或未狀山僧更爲諸人曲引引通本也復舉仰山  
參中邑禪師問曰如何得見性本邑云譬如一室有  
六牕內有一獼猴外有獼猴從東邊喚從西邊喚即  
應如是六牕俱喚六處俱應仰云和尚譬喻無不明  
了只如內獼猴睡著時外獼猴作麼生相見邑下禪  
牀把住山云猩猩我與汝相見了也師云雖是饑逢

美食渴過甘霖不無離嘴粘牙若是破山門下又且  
不然待開口時和聲便打何故靈珠相劣形同幻質  
呼靈喚馬總虛名  
辭衆上堂師云漲水蝦蟇日夜催道人不薦渾忘歸  
今朝解了忙閑結嚴艸豁頭絕是非如是則知隨處  
作主遇緣即宗以一機透則無機而不透以一理明  
則無理而不明透不透之機關行超佛祖明不明之  
理趣位越人天以拄杖畫此云還透者箇麼還明  
者箇麼若明得者箇透得者箇不枉檀信慇懃山僧  
銳志復呈拄杖云會麼嚴艸豁頭休住脚五嶺山下

莫橫身下座  
住瀘州江安縣蟠龍禪寺三門云千聖共游一眾履  
歷進進出出路頭不識以杖卓一卓喝一喝召大衆  
云還識麼棒頭喝下皆消息帶水拖泥即指歸  
佛殿云有佛處不可住無佛處急急過今日竹逆兒  
孫一辨香禮三拜行到水盡山窮只得將錯就錯  
方丈云佛耶祖耶據此器此我亦如是別無所指仁  
者珍重莫要龍頭蛇尾也  
衆護法請開爐師拈法座云毒鼓初揚蕙就倒瀾渡  
之者浪靜風恬耳之者魂銷鬼散今日新蟠龍拈一

辨返覓香本也象中還有惜取鼻孔者麼遂陞座拈  
香祝聖畢維那白椎云法筵龍象眾當觀第一義師  
云第一義觀則落二落三不觀則落七落八釋迦到  
此計窮力極謂之如來禪達磨到此攔頭劈春謂之  
祖師禪雖然作用不同要且瓦是泥做山僧到此口  
似舜盤盤眼如掣電拈出幾句聯聯所讀諸方此日同  
開爐惟有蟠龍意致殊不向此中求煅煉冷冰冰地  
自如如喝一喝下座  
上堂師云閉門打睡接上上機顧盤頻呻曲爲中下  
據此看來山僧有口只好挂在壁上若以拈椎豎拂

爲禪病在持捉若以裝聾賣啞爲禪病在口耳若以  
欬嗽涕唾爲禪病在音韻若以揚眉瞬目爲禪病在  
顯視若以手舞足蹈爲禪病在踳跳既然未是且道  
如何是禪冬瓜直籠侗飽于曲彎彎  
上堂僧問掬水月在手未審水乾波盡月歸何處師  
驀頭一棒僧喝一喝師連打兩棒問金出鑽時如何  
師云嚇殺人進云恁麼則橫身踳躩師云歎逼逼地  
問父母未生前如何是學人面目師云雨打梨華蝶  
蝶飛風吹柳絮毛毳走進云原來原來師驀頭兩棒  
僧禮拜師乃云一點雨一點溼居士設齋和尚喫試

問就中意者何摩訶般若波羅密  
上堂僧問親基丘明尚解逃禪跛躄盲龜卻能知有  
爲甚靈利衲僧友道不識師云桶桶漢僧喝一喝師  
云如法籠進云只得思淡轉無語懷抱自分明師打  
云問言語問二十季前葛藤遍地滿眼生塵如何是  
不生塵處師云趙州道底進云又是什麼光景師云  
薦取下句注脚僧禮拜師乃云涼涼朔風吹散廬人  
人凍裂箇皮肉就中有點天然別分付梅華樹幾株  
如是則知寒暑迭遷生交交謝有物於中流動未獲  
天地同根萬物一體卓拄杖召大衆云還委悉麼維

那云委悉則不堪師喝一喝下座  
上堂僧問堂前露柱久懷胎長下嬰兒頗俊哉爲復  
是神通妙用法爾如然師云橫開不在春枝上進云  
未解語言先作賊一操便取狀元來師云別有風流  
一段奇聞若論此事三寶騰顯十地魂驚未審利害  
在什麼處師云脚跟下豎太橫來問大地山河歸一  
點萬派乾坤一竅中即今一竅在什麼處師云腦後  
見頭不與往來僧禮拜師喝一喝乃云今朝十一月  
初一衲子齊來討巴鼻厲色震威喝一喝契響打怪  
聾兩耳昔人擬作觀音門今又翻爲鴛子智只此告

報與諸人惟要諸人信得及信得及無孔鐵錘當面  
擲不須擬議更尋思信去半腸葛直太  
上堂師云終日病魔斯結賴健三寸緇舌強吞曲索  
木鉢一味喝風棒月遂喝一喝卓拄杖云若向者裏  
會得了鬼神覩不破之機危生灰不相干之地其或  
未然更聽葛藤役舉臨濟行乞過一婆子濟指鉢云  
家常添鉢婆子即轉身掩卻門云太無厭生師云臨  
濟素是當仁不讓於師尚勇不和女問今日山僧者  
裏也不行乞施主也不掩門日日喫齋喫茶只是常  
不得太無厭生

上堂僧問今日國令更嚴不許拋沙撒土師云山大  
多狐兔水滿足魚龍問水明老蚌懷胎後雲重吞龍  
退骨時老蚌懷胎即不問蒼龍退骨時如何師云也  
是蠟人向火進云不是巨靈手怎敢望華山師云不  
薦當陽句從來念詩意進云可惜連城壁從勞獻楚  
君師正色噓一聲進云杜撰宗師如麻似粟師云只  
有你一箇問盡大地是沙門一隻眼未審人人在何  
處下脚師云脚跟下好與三十棒僧禮拜師云乃云石  
頭瓦塊亂商量賴狗泥豬罵上堂翠竹黃華繞側耳  
冬瓜瓠子便承當此四句內有一句能縱能奪能殺

能活有人簡點得出一生參學事畢

上堂師云雲門一字關臨濟三玄要為仰拍門庭曹  
洞別堂與汰眼道不知觸著便蹀跳惟有蟠龍無勝  
言似頭開口呵呵笑大眾且道他笑箇甚麼心生大  
懼豈自知當作佛

上堂師云一聞千悟幻折弓箭放下屠刀九上三登  
劫御龍與當布卑更有牢籠不住呼喚不回者又  
作麼生指示良久云過蟻難尋穴歸禽易見巢  
上堂師云日用事無別踏者秤錘原是鐵唯吾自偶  
箭十字街頭瓶瓶頭頭非取捨雜寒上樹物物非張

破山禪師語錄

十五

乖馮寒下水米柴誰為號一任鑽龜打瓦丘山絕點  
埃惟有青囊請不得神通並妙用火官頭上風車子  
蓮水與撥柴蒲兒尾上緊研錘憑居士恁麼道新蟠  
龍恁麼拈非是與古人團勝要且路見不平眾中有  
具眼者試於此中翻弄看

上堂僧問山高不露頂雲淡不知歸時如何師云這  
烟雲封壁平谿水結纒進云未審意旨如何師卓注  
杖一下云向青囊裏取問冷心不動月澄潭鷺鷥  
出白雲間且道鷺鷥出時如何師云不把金鐵度  
冥人問雲雲見桃華得悟因甚立沙不肖師云為伊

眼華進云未審意旨如何師云瞻漢僧禮拜師乃云  
山僧今日上堂來步步泥蹤點法臺徹夜不妨霜與  
雲西園猶放碧桃開驀呈拄杖召大眾去見麼若也  
向此見得徹本能銷億劫顛倒想不歷僧祇獲法身  
其或未然而有寒暑兮促君壽有鬼神兮妒君福  
歲日上堂僧問相逢著眼流水行雲脫胎神化嬰兒  
漸長流水行云即不問嬰兒漸長事如何師云長長  
一箇矮子問百華競秀妙德家風一互晴空普賢境  
界百華競秀即不問一互晴空事若何師云樂天樂  
地問金蓮照奕千家樂玉露回允萬象新即今合是

破山禪師語錄

十六

此度人境界師云看取脚下僧禮拜師乃云輕煙  
薄霧鼓風濤吹徹梅華白樹梢珍重諸人惜鼻孔清  
香不對野狐窺擲拄杖云狼籍不少下座  
上堂眾禮三拜師云者裏倒身三拜少林分骨分髓  
今朝正眼看來也是捏巴兜鬼喝一喝下座  
再住萬峰開爐上堂師云萬峰今季結制柴米事  
不濟不惟凍殺餓殺且受冷句熱句珍重四海高流  
薦取肉飽巴鼻大眾且道衲僧巴鼻如何薦取有僧  
不出眾鼓掌呵呵師云南山起雲北山下雨  
佛成道日上堂師云一季一度口吧吧說盡甜瓜併

苦瓜汝等諸人不解薦毛頭星現眼添沙  
解制上堂師云天開幾轉地軸始回山川獻天然闔  
闔神木吐本地風光換卻天下人眼晴透徹衲僧家  
巴鼻活情無情之真機頑石尚應加鎖忘學無學之  
妙術欄柯且自點胸所以道萬象之中獨露身為人  
自肯乃方親昔年謬向途中覓今日方知火裏水復  
名大眾云今日春寒節居士來山為諸人辨自肯齋  
未審眾中還有自肯者麼時離指舞坐具出法堂師  
云放出萬峯雲五色甘霖指日灑霖霖  
開始上堂師云爐開八載風散四維焦頭爛額者後

退幾屈鐵銀刺睛者百煉百輝等須彌而為炭不足  
其燒燬滄海以為田不足其用正值年荒世亂方極  
計窮未審眾中有當爐不避火者麼試出來與山僧  
相見如無從茲打箇鹽季結動靜於閒解不開  
佛成道日上堂問一句了然超百億不須門外覓三  
車三車即不問如何是一句師云鯨吞海水盡露出  
珊瑚枝僧禮拜師乃云昨夜毛頭星作怪釋迦老子  
漆桶快諒光分脫後兒孫箇箇頂額沒一塊召大眾  
云各各伸手摸摸看香是那裏沒一塊若也摸者便  
與釋迦老子同一眼見同一耳聞同一受用當下無

生灰可怖無涅槃可證無男女可形無凡聖可隔淨  
裸裸絕承當赤灑灑無回互其或未然且向三條椽  
下七尺單前默默披衣自看始得  
上堂問天下有道則見無道則隱隱即不問如何是  
有道則見師云四海五湖王化裏進云三千禮樂憑  
師舉五百英雄盡讓誰師卓拄杖一下進云慣從五  
鳳樓前過手握金鞭賀太平師云從來此處念詩章  
問今日掀翻獅子窟一聲哮吼震山谷寥寥大地絕  
遮欄孰箇當頭把得住師云香煙堆裏現全身僧喝  
一喝師打一棒進云也不得放過師噓一聲問腰蛇

破山禪師語錄

十六

纏足露布繞身未審作麼生解師云頭上漫漫足下  
漫漫進云水不洗水金不博金也師云兩重公案  
僧禮拜師乃云即心即佛拖人落水非心非佛落水  
拖人不是心不是佛不是物木人把板雲中拍石女  
含笙井底吹此三句內有一句全暗全明雙收雙放  
若人簡點得出一生參學事畢  
破山禪師語錄卷第三  
編法門人 蜀北果州真如寺海流 蜀東巴  
州清涼洞印光同刻 惟重弘禮禪人對  
破山和尚語錄第三卷 嘉興天章刊  
康熙庚申歲五春月 嘉禾楞嚴寺般若坊藏板

破山禪師語錄卷第四

宮陽玉泉嗣法門人印正等編

上堂四

住夔州府開縣大寧禪寺入院三門云十方無障落四面亦無門故山僧從何處入以拄杖畫此云從者裏八字打開

方丈云印此用離此用主賓互換胡來現漢來現妍觀自分折長老恣俊不禁一任鎖籠打瓦  
栢越徐道臣請開堂至法座云就地登空易從空放下難難易齊屏卻直透上頭關新大寧直透上頭關

破山禪師語錄

太也大眾還見麼若有路可上更高人也行遂階座拈香云此辨香聲傳社稷價重山河端為祝嚴  
今上皇帝聖躬萬歲萬歲萬歲伏願堯風鼓吹內務安立散舞日輝輝照遠幽暗長明復拈香云此辨香奉為乃乃武國國公願不志囑累  
何為佛法之金湯直下承當永作人天之眼目未拈香云此辨香供養浙江寧波府天童山雲雲和尚用  
臨法乳之恩伏願一朝印可承慈蔭九處拈來始適殷敏衣跌坐上首白椎竟師云森嚴爐精惡辣甜盤  
擬聖懷賢於利那際超生越死於頃刻間固非神通

妙用本是法爾如然未審眾中有具銅頭鐵額者麼試出來與山僧相見一僧出眾禮拜起以手具拂一拂展兩手師云官潭子向汝道破了也僧舞坐具繞一匝歸位師云掠虛漢問學人寂寂清和尚歷歷師卓拄杖一下僧喝一喝師云汝者一喝濟得甚麼邊事進云寮一絲是陷虎之機隱一跡則無聲無臭師喝云閉言語僧禮拜師乃云山林濟喝開三隻三玄河馬洛迦印破無聲無臭斷臂而克安心覆舟以復真子傳傳有據授授無私不惟祖道之重拈且補皇圖之再振當慈麼時投困大寧一句作麼生道兩

江風浪交頭合一洗干戈瘴癘開

上堂僧問寶劍拂開天地靜金刀纔舉斗牛寒師云禍事禍事進云恁麼則禪裏征人三十萬一時回首月中看師豎拄杖云遠天赫奕進云萬邦有道歸王化一直無私質大寧師便打復舉僧問巴陵祖意教意是則是別陵云雞寒上樹鴨寒下水師云雖然如是雞肚不知鴨肚事遂為禪教之分大寧則不然若有人問祖意教意是則是別只向他道水向石邊流出冷風從華裏過來香  
上堂師云盛山臨水季季在東土西方豈變遷即从

即生即解脫非男非女非因緣舉心蹉過娘生面動念乖張空劫前圓具修登九品德池波湧旋金蓮所以道無邊利海自他不隔於毫端十世古今始終不離於當念如馮過長空影還沉水正恁麼時且傳夫人獨脫一句作麼生道生則決定生本則實不本上堂師云十五日已前說法機不及十五日已後說法機太過正當十五日說法機如擊電語似轟雷試問春盤李先生會也未若也會得便會孔子道天何言哉四時行焉百物生焉天何言哉所以道人音希聲大巧若拙無言為至言無說乃真說其或未然更

破山禪師語錄

三

聽一箇跳出火坑順且疾臨終正念真端的西方即在箇中圓不用徒勞向外覓

住大竹縣佛恩禪寺暨大佛殿眾植越請上堂僧問如何是佛恩境師云長短短千株樹進云如何是境中人師云落落零零幾箇僧進云人境已蒙師指示如何是臨濟當陽一句師豎拂子云會麼進云恁麼則知恩有地本也師震威喝一喝問古人拈一莖艸建筵刹竟新佛恩今日又作麼生師云八方有道歸王化四海謳歌賀太平進云石華山畔金聲振驚起丹林雙鳳兒師不理僧禮拜師乃云佛恩殿上雙

獅踞地大持堂前孤鴻喚天一水蓬源一山挺翠高

也明也悠也久也廣不替之宗風奇哉俊哉壽哉偉哉多非遙之桂月因如是地產如是人因如是人行如是事非但地勝人賢要且名成實就大眾且道新佛恩眉毛還在麼卓拄杖云千龍象從茲止萬萬獅麟自此歸

天童悟和尚忌日寶曇禪人設供請上堂師云七月七巧雲集秋風秋露及秋雨乍寒乍熱透皮毛欲脫欲穿徹骨髓所以道熱則普天匝地熱寒則普天匝地寒熱則熱殺閻黎寒則寒殺閻黎若如此會得寒暑不能遷生死不能易正當恁麼時且獨脫一句作麼生道勞煩大眾同到先師真前露布者箇消息下座請真前拈香云戒香定香慧香解脫香解脫知見香觸碎吾師肉鼻孔管教徧界不能藏

破山禪師語錄

四

住開縣龍城山紫雲禪寺解制上堂師云季季七月十五處處追宗薦祖箇裏眾僧自恣都來足踏手舞為復是妙用現前為復是業風飄鼓今朝聖制告圓試為老僧分析看若分析得出大蟲原來是老虎其或未然將拄杖一時打散亦是蒼天中更添冤苦住開縣鴉城山栖鳳禪院結制上堂僧問世亂年久

群魔即復即復如何是太平消息師豎拂子云會麼進云四海總歸王化裏全提正令亦奚為師云閉言語僧喝一喝師云此喝落在什麼處僧擬開口師震威喝一喝僧禮拜師乃云七月十五龍城解制罷座八月十五鴉城結制雖是兩彩一袋要且不能離者箇以拂打圓相云佛子住此地則是佛受用常在於其中經行及坐臥後舉馬祖與百丈西堂南泉玩月次祖曰正與麼時如何丈曰正好修行堂曰正好供養泉拂袖使行祖曰經歸藏禪歸海惟有普願獨超物外師高聲云馬大師板齒生毛分星撥兩恁麼判

斷續是第二月且道如何是第一月留待夜來江上落照人無復令秋秋

解制上堂一僧出以手掩師口師打一拂僧遂去云怪了師拽杖打出乃云本明徹開黎前為老僧送別偈云吾師拄杖欲翻雲老僧道初折了也鳥道騰騰盡伴行老僧道一有種種二無兩般開閣縱然無一物老僧道轉秘轉多阿誰擔荷破沙盆老僧道且喜有箇徹開黎老僧拈也拈了斷也斷了不惟我師從互相唱和且是聖制告圓亦有兩句壓韻而已櫛風今朝散水雲縱橫逆順任夜行破沙盆是正法眼裏



逐腥羶汚卻盆震威喝一喝下座  
在夔州府萬縣太白巖萬福寺總戎譚任卿生日請陞座僧問離相離名接上上根立機立境曲為中下置此兩途還有為人處也無師云問得老僧口啞進云談地火充扶日出倚天長劍逼人寒師震威喝一喝問收放不停時如何師云好與汝三十棒進云過在甚麼處師云是甚麼所在汝汝覓過問祖佛即不問覓面相事如何師云兩眼對兩眼問無生一句鬼神不知因甚被諸人覷破師云汝卻被拄杖子覷破僧禮拜師乃云六月一毒熱極渾身上下汗如雨

各人返手試摸之看是如何箇道理今朝是我任卿譚總戎高陞壽域老僧登曲木林讚揚不及欲讚壽比南山南山尚有崩倒欲讚福如東海東海尚有枯竭金焦麼時同於金剛不朽一句作麼生道萬福堂齊萬壑僧千金石鼓千秋水喝一喝下座  
總戎譚虞卿生日請陞座師云初伏尾中伏頭熱得通身冷汗流惟有中心箇樹子無分寒暑自悠悠如是則知我譚公過世六月二十五本不生未來世六月二十五本不滅現在世六月二十五本不住淨裸裸絕承當赤灑灑無回互所以道一念普觀無量

劫非本非來亦非住知是了知三世事趨諸方便成十力况拳封有三多之祝老僧亦有三際之譚都盧在者裏還委悉麼良久云八角磨盤空裏走無髮鎖子兩頭搖

恭義侯士心諱護法起筆嚴經請陞座師云奇哉奇哉更奇哉一點明星是禍胎今日拈來光宇宙眾生夢眼一齊開若未如是且聽葛藤說經意畢下座  
解制上堂僧問大地平如掌長空一色秋分無佛子跡只見水牯牛時如何師募頭一棒進云翻身嫌地窄舉步憾天低師云問言語僧禮拜師乃云結制解制千古常規長期短期一朝方便向舉起處承當猶是不啻啗漢不向舉起處承當舍元殿裏覓長安老僧年邁要覓箇四稜著地者相繼住持令老僧偷安兩日有麼有麼時數僧齊下一喝西堂云任從滄海變終不與師通師云既無怒起木上座一時趕散

住夔州府梁山縣全城禪寺順治九年十一月初一日聖瑞姚總戎天錫姚明經暨閩郡眾檀越請開堂指法座云此密華王座二十年前也曾七上八下今日復陞此座一任百匝千重大眾老僧發轉今昔關頭太也還見麼遂陞座拈香云此瓣香自治而亂自亂而治非木石而不能全其體非水火而莫能發其用燕向爐中祝嚴  
今上皇帝聖躬萬歲萬歲萬歲此一瓣香非口所宣非心所測從月明簾外得來荆棘林中拈出奉為在位宰官當山請主伏願始作春秋之關鎖終為東北之界牆末拈香云此瓣香三登九上七穴八穿觸碎鼻孔歸來第十三回拈出供養天童山景德堂上客雲先師用酬法乳維那白椎云法筵龍象眾當觀第一義師云第一義作麼生觀若以眼觀觀處即瞎若以心緣緣處即乖既不以眼見心緣試出來與老

上元日上堂僧問吾有一物無頭無尾常在動用中乞師一接師云你眼瞎僧問便打問入門便棒相見便喝不知有過無過師打云是甚麼所在還來覓過問如何是行脚事師云面面相看口如木問正月中旬是上元請問和尚如何是缺如何是圓師以拄杖畫此云且道是缺是圓問如何是學人生處師卓杖一下進云如何是處師亦卓杖一下進云如何是不生不處師復卓杖一下問如何是金城境師云城小規模大進云如何是境中人師云僧貧世界寬進云入境與和尚差多少師豎拄杖云拄杖頭

僧話會看時二僧出眾跳一跳喝一喝師云還有麼二僧無語師以拄杖卓一卓云木上座與諸人話會本也委悉麼杖頭日月光天德照破山河煙霧開佛成道日上堂師云獨踞金城第一峰滿天星斗現穹窿老僧高著青蓮眼看得眾生與佛同榮衰迨居士追嚴飯僧欲與佛同一成道同一受用所以道火不待日而熱風不待月而涼鶴脰自長鳧脰自短松直棘曲鴉白鳥玄本自現成何假修證大眾正慈麼時修證即不無染汚即不得一句作麼生道一點明星當午現九蓮華果自芳妍

上薦取僧禮拜師乃云季季正月半處處燈火現箇裏卻無明阿誰將眼見復以拄杖畫此云委悉麼我見燈明佛本光瑞如此  
師誕日明宇彭居士請上堂師拈拄杖卓一卓召大眾云會麼者簡與老僧同壽從無始來正月二十一日乃至盡未來際正月二十一日算數譬喻不可說不可思議福德海壽命聚不獨老僧如是三世諸佛亦如是歷代祖師亦如是天下老和尚亦如是一切有情無情亦如是復卓拄杖下座  
解制上堂師云老僧閉坐困眠不覺過了三月爾等

九



朝參暮請恍惚又是一期釋迦老子尚有三七思惟  
達磨初祖况乃九季而壁今日侯府西昆譚護法為  
汝諸人設放參解制齋且道參作麼生放制作麼生  
解還委悉麼試看春風吹野綠應教龍象狂縱橫  
住夔州府梁山縣雙桂福國禪院順治十七季十月  
十五日邑侯飛雲彭護法請開堂師接疏云大清定  
鼎揚文耀武於斯時雙桂開爐煅聖煉賢於此日雖  
是公驗分明卻請維那宣過  
座師拈香云此一瓣香非木非香無聲無臭無向  
爐中端為祝嚴

今上皇帝聖躬萬歲萬歲萬歲伏願壽山福海彌  
高彌深皇圖帝都至堅至固大拈香云奉為滿朝百  
辟臨筵郡侯伏願長為王室股肱又拈香云六六代  
相傳四四處經手供養天童山景德堂上密雲先師  
用酬法乳欵衣敷座上首白推竟僧問如何是十五  
日已前事師云前不構村進云如何是十五日已後  
事師云後不抵店進云正當十五日時如何師云退  
身三步禮拜著問天產靈芝為其麼不抽枝發幹師  
以拂子打圓相云生也生也問紅爐大轉就裏添炭  
時如何師云焦頭爛額似粟如麻僧禮拜師乃云今

季雙桂開堂箇箇脚忪手忪山上工頭喊號堂前執  
事敲梆忒揆東穿西脫索扛論短爭長務要同心協  
力都來直下承當未審眾中還有承當者麼時數僧  
齊下一喝師笑云未在既無老僧因齋慶讚本也復  
眾麗居士將百萬家財傾向湘江空參石頭過禪師  
問不與萬法為侶者是甚麼人頭以手掩居士口士  
遂偈據山僧看來此老雖與彭公同里其實機用各  
別與其傾向湘江不若我彭公將來飯僧請法寧不  
出籠老一頭地也雖然如是刁刀相似魚魯參差若  
向此中會得古今無二道聖賢無兩心如榔榔卸空

勿論及之不及責承當而不貴推托也還委悉麼處  
處綠楊堪繫馬家家有路透長安下座  
上堂僧問如果日照空時如何師云若不同牀睡焉  
知席底穿進云幾回出世幾建叢林和尚分中成得  
什麼邊事師云直教入脚跟下豎空橫來進云有一  
人不落凡聖和尚如何接他師云威嚇一喝僧禮拜  
師乃云寒盡臘頭梅欲放穿人鼻孔令人怕看他無  
限癡男女都把光陰喪北印時字黃居士到室中欲  
老僧露布者箇消息然而者箇消息在胎為身處世  
為人在眼曰見在耳曰聞在鼻辨香在口談論在手

既捉在足運奔老僧舉此告報諸人諸人還委悉麼  
還鄉盡是兒孫事祖父從來不出門  
梁山縣令曾勝檀受菩薩戒師接疏云隔壁告狀稿  
地葛藤親面相呈漫天密布即此用離此用賣弄不  
少蘇州有常州有短販太多雖是公驗分明不妨維  
那宣過座云數十年來道不同而今慙愧起家風  
相逢沒甚閒言語一棒當頭絕已躬說戒下座  
梁山姚總戎謝夫人請陞座師云金城若上牢籠不  
住雙桂空前呼喚不回本是箇無面目漢卻來箇裏  
合水和泥今鎮府謝夫人得得來山飯僧請法更祈

福壽康寧動王報國正與麼時且報國一句作麼生  
道離弓已挂狼煙息萬里謳歌賀太平下座  
檀越請上堂僧問獅子王談吐三千雙桂堂拈出一  
句三千即不問一句意如何師云汝眼瞎進云曉月  
香飛千樹裏秋河隔在數峯西師云沒交涉問日間  
浩浩裏作得主麼寐裏作得主無夢無想時主在何  
處師云正好朝打三千暮打八百進云太湖三萬六  
千項月在波心說向誰師云痛癢也不識僧禮拜師  
乃云天王賜與華屋要因門入仁者大破怪囊本為  
誰將所以道實際地不受一塵佛事門頭不捨一

法不捨一法千峯勢到嶽邊止不受一塵萬派聲歸  
海上消人人悟證平常箇箇機活潑復舉東印土  
國王飯僧一眾俱轉經惟二十七祖般若多羅尊者  
默然晏坐王問尊者何不轉經祖曰貧道入息不居  
陰界出息不涉眾緣常轉如是經百千萬億卷師云  
大小尊者也只在葛藤裏轉今日若有人如是問老  
僧惟痛與棒熱與喝不惟光揚祖道要且不敢救家  
大眾且道尊者與老僧是同是別良久云饒伊講得  
千經論總落禪家第二機  
承熙禪人受戒上堂師云金城若上塵埃不到雙桂

堂前泥水甚多且道老僧純清絕點底是拖泥帶水  
底是若向此中薦得無戒不持無生不度其或未然  
更聽葛藤說戒下座  
解制聖瑞姚護法請上堂僧問聖制告圓慶賞一句  
作麼生道師云各與三十棒僧擬進語師威嚇喝一  
喝僧禮拜師乃云千日禪期今日已如龍如象如獅  
子忽然返擲奮全威大地烽煙從此止如是則我姚  
將軍一片忠肝義膽老僧今日因齋慶讚所以道施  
主一粒米重如須彌山若然不了這披毛帶角還已  
如是者日食斗金非分外未如是者時餐粒米也難

消以拄杖卓一卓云知恩者少負恩者多  
涪侯劉夫人印貞請陞座僧問三乘教典已成糟粕  
五家宗旨亦是筌筌宗教即不問如何是法身上  
事師云脚跟下薦取進云還有奇特事麼師云不顧  
脚跟三尺水只食糞步上高峯進云若不桶底開兩  
眼何能大地任縱橫師云開言語問和尚陞座度盡  
眾生即今陞座向甚處去也師云接機杖上垂金果  
消渴泉中湧碧流一僧向前作揖又作女人拜云恭  
賀和尚萬福手呈白紙中畫一圓相云學人投書請  
和尚且師云見怪不怪其怪自壞僧禮拜師乃云雙